

浙江文叢

景岳全書

〔第六冊〕

浙江出版聯合集團
浙江古籍出版社

浙江文叢

景岳全書

〔第六冊〕

〔明〕張介賓 著

王大淳
馬嘉陵
王曉竹
陳順利
王紫妮
點校

浙江出版聯合集團
浙江古籍出版社

卷五五 宇集

古方八陣

攻陣

（仲景）大承氣湯一 治陽明、太陰傷寒，譫語，五六日不大便，腹滿煩渴，並少陰舌乾口燥，潮熱脈實者。○劉河間加甘草，名三一承氣湯。

大黃四兩 厚朴半斤 枳實五枚 芒硝三合

右以水一斗，先煮厚、枳二物取五升，去滓；納大黃，煮取二升，去滓；納芒硝，更上微火一兩沸。分溫再服，得下，餘勿服。

（仲景）小承氣湯二 治病在太陰，無表證，汗後潮熱狂言，腹脹脈實，六七日不大便，喘滿者。

即前大承湯減去芒硝。

（仲景）調胃承氣湯三 治太陽陽明，不惡寒，反惡熱，大便秘結，日晡潮熱者。○凡陽明

病有一證在經者，當解肌；入腑者，當攻下。

大黃 芒硝 甘草各五錢。此從近法

每服三五錢，水一大盞，煎七分，溫服。

（仲景）桃仁承氣湯四 治傷寒蓄血，小腹急，大便黑而不通。

桃仁十二枚，去皮尖 官桂 甘草各一錢 芒硝三錢 大黃半兩或一兩，此從近法

右咬咀，作一服或分二服。水一大盞，煎七分，溫服。

《良方》桃仁承氣湯五 治瘀血小腹作痛，大便不利，或譫語口乾，漱水不嚥，遍身黃色，小

便自利；或血結胸中硬滿，心下手不可近；或寒熱昏迷，其人如狂。

桃仁半兩，去皮尖 大黃炒，一兩 甘草二錢 肉桂一錢

右薑，水煎，發日五更服。

當歸承氣湯六 治燥熱裏熱，火鬱爲病，或皮膚枯燥，或咽乾鼻乾，或便溺結秘，通宜

此方。

當歸 大黃各四錢 甘草 芒硝各二錢

右咬咀，人薑煎服。

（仲景）大柴胡湯七 表證未除，裏證又急，汗下兼行用此。

柴胡半斤 半夏半升 黃芩 芍藥各三兩 生薑五兩，切 枳實四枚 大黃二兩 大棗十二

枚，擘

右七味，以水一斗二升，煮取六升，去滓再煎^{〔二〕}。溫服一升，日三服。

（陶氏）六一順氣湯八 以代大小承氣、大柴胡、大陷胸等湯之神藥也。○此湯治傷寒熱邪傳裏，大便結實，口燥咽乾，怕熱譫語，揭衣狂走，斑黃陽厥，潮熱自汗，胸脅滿硬，臍腹疼痛等證，效不盡述。

大黃 枳實 黃芩 厚朴 柴胡 甘草 芍藥 芒硝

水煎服。欲峻者，大黃後入。○凡傷寒過經，及老弱或血氣兩虛之人，或婦人產後，有下證，或有下後不解，或表證尚未除而裏證又急，不得不下者，用此湯去芒硝下之則吉。蓋恐硝性峻急，故有此戒。經云：轉藥孰緊？有芒硝者緊也。今之庸醫，不分當急下、可少與、宜微和胃氣之論，一概用大黃、芒硝，亂投湯劑下之，因茲枉死者多矣。○仲景云：蕩滌傷寒熱積皆用湯液，切禁丸藥，不可不知也。

（仲景）大陷胸湯九 治大結胸手不可按。

大黃四錢 芒硝三錢 甘遂末二分。此從近數

用水一鍾半，先煎大黃至一鍾，納芒硝，煎一二沸去粗，納甘遂末和勻服，得利則止。○此藥極峻，必不得已而用之。○原方用大黃六兩、芒硝一升、甘遂末一錢，水六升，如前法煮二升，分二服。得快利，止後服。

小陷胸湯一〇 方在《寒陣》一六。

治小結胸，正在心下，按之則痛，脈浮滑者。

（河間）大黃湯一一

治瀉痢濕熱邪盛，膿血稠粘，裏急後重，日夜無度者。

大黃一兩

右細銼，好酒二大盞浸半日，煎至一盞半，去大黃，分二服，頓服之。痢止，一服；如未止，再服，以利爲度，服芍藥湯以和之。痢止，再服黃芩湯和之，以撤其毒。

《外科》大黃湯一二 方在《外科》一六七。

治腸癰小腹堅腫。

《金匱》大黃甘草湯一三 治食已即吐。○按：此湯必下焦脹實，大便秘結不通，而格拒吐

食者方可用之。若因胃虛而食已即吐者，此則大非所宜，用者不可誤認。

大黃四兩 甘草一兩

右二味，以水三升，煮取一升，分溫再服。

《金匱》大黃硝石湯一四 治黃疸腹滿，小便不利而赤，自汗出，表和裏實者宜用之。

大黃 黃檗 硝石各四兩 梔子十五枚

右四味，以水六升，煮取二升，去滓，納硝，更煮取一升，頓服。

《金匱》梔子大黃湯一五 治酒疸，心中懊懣，或熱痛。

梔子十四枚 大黃一兩 枳實五枚 豉一升

右用水六升，煮取二升，分溫三服。

（河間）防風通聖散一六 治諸風潮搐，手足癱瘓，小兒急驚便結，邪熱暴甚，肌肉蠕動，一切風熱疥癩等疾。

防風 川芎 當歸 芍藥 麻黃 連翹 薄荷葉 大黃 芒硝各五錢 石膏 黃芩 桔梗各一兩 滑石三兩 甘草二兩 荊芥 白朮 梔子各二錢半

右爲末。每服二錢，水一大鍾，生薑三片，煎六、七分，溫服。○《醫統》方各五分，用水二鍾煎服。○痰嗽加半夏；○閉結加大黃二錢；○破傷風加羌活、全蝎各五分。○此方出有四：賈同知方無芒硝；崔宣武方無芒硝，有縮砂；《癘瘍機要》有白芷、蒺藜、鼠粘子、甘草。

雙解散一七 方在《痘疹》四一。

治痘疹表裏俱實。

牛黃雙解散一八 方在《外科》二〇九。

治便癰熱毒，大小便秘。

《局方》涼膈散一九 瀉三焦六經諸火。

大黃 朴硝 甘草各一錢 連翹一錢半 梔子 黃芩 薄荷各五分

水一鍾半，加竹葉七片，煎八分，入蜜一匙，和勻服。

（東垣）涼膈散二〇 方在《痘疹》八三。

解痘疹內熱良方。

（陶氏）黃龍湯二一

治熱邪傳裏，胃有燥糞結實，心下硬痛而下利純清水，身熱譫語發渴。此非內寒而利，乃因湯藥而利也，名曰積熱利證，宜急下之。身有熱者，宜用此湯；身無熱者，宜六一順氣湯。醫家有不識此證者，便呼爲漏底傷寒，即用熱藥止之者，是猶抱薪救火也，誤人多矣。

大黃 芒硝老弱者去此 厚朴 甘草 人參 當歸

水一鍾半，生薑三片，棗二枚，煎服。

《良方》黃龍湯二二 方在《婦人》八五。

治妊婦感冒風寒，熱入胞宮，寒熱如瘧。

（錢氏）黃龍湯二三 方在《小兒》二五。

治小兒感冒發熱，或寒熱往來。

（子和）玉燭散二四 治血虛有滯，或婦人經候不通，腹脹作痛。此四物湯對調胃承氣湯也。

當歸 川芎 芍藥 地黃 大黃 芒硝 甘草各等分

右咬咀。水煎服。○甚者倍用大黃。

四順清涼飲子二五 治大人小兒血脈壅實，臟腑生熱，面赤煩渴，睡臥不寧，大便秘結。

大黃 當歸 芍藥 甘草各等分

右咬咀。水煎服。

《元戎》四物湯二六 治臟結秘澀。

當歸 熟地黄 川芎 白芍藥 大黃煨 桃仁各等分

右用水煎，或丸服亦可。

（仲景）抵當湯二七 治傷寒熱在下焦，少腹硬滿，其人發狂，小便自利者，下血乃愈，以太

陽病瘀熱在裏也。

水蛭三十條，熬 虻蟲三十個，熬，去翅尾 桃仁二十個，去皮尖 大黃三兩，酒浸

右四味爲末。以水五升，煮取三升。○又，抵當丸，亦即此四味。

（仲景）十棗湯二八 治懸飲內痛。

芫花醋拌經宿，炒微黑勿焦 大戟長流水煮半時，曬乾 甘遂麪裹煨。各等分

右爲細末。先以水一鍾半，煮大棗十枚至八分，去棗納藥末，強人一錢，弱人五分，平旦服

之，不下更加五分；快下，徐以糜粥補之。

（潔古）三化湯二九 治中風外有六經之形證，先以續命湯主之；內有便溺之阻格，此方

主之。

厚朴薑製 大黃 枳實 羌活各等分

右咬咀。每服一兩，水煎服。微利則止。

《選要》透膈湯三〇 治脾胃不和，中脘氣滯，胸膈滿悶，噎塞不通，脅肋脹痛，痰涎嘔逆，飲食不下。

木香 白豆蔻 砂仁 檳榔 枳殼麩炒 厚朴薑汁炒 半夏製 青皮 橘紅 甘草 大黃 朴硝各一錢

水一鍾半，薑三片，紅棗一枚，煎八分，食遠服。

《金匱》茵陳蒿湯三一 治傷寒發黃，及穀疸。發熱不食，大小便秘，或食即頭眩，是爲穀疸。

茵陳九錢 大黃四錢半 山梔一錢半

右作二服，每服水二鍾，煎八分，食遠溫服。

（河間）芍藥湯三二 下血調氣。經曰：洩而使膿血，氣行而血止；行血則便自愈，調氣則後重除。

芍藥一兩 當歸 黃連各五錢 木香 甘草炙 檳榔各二錢 大黃三錢 官桂一錢半 黃芩五錢

右咀。每服半兩，水二鍾，煎一盞，食後溫服。如血痢，則漸加大黃；如汗後臟毒，加黃檗半兩，依前服。○愚按：此湯乃河間之心方，然惟真有實熱者可用，若假熱假實者，誤服則死。

枳實大黃湯三三 治濕滯腳氣。

羌活錢半 當歸一錢 枳實五分 大黃酒煨，三錢

水一鍾半，煎八分，食前空心溫服，以利爲度。

羌活導滯湯三四 治風濕實滯腳氣。

羌活 獨活各半兩 防己 當歸各三錢 枳實麩炒，二錢 大黃酒煨，一兩

右每服五、七錢，水一鍾半，煎至七分，溫服，量虛實加減，微利則已。

牛黃瀉心湯三五 治心經實熱，狂言妄語，神志不安。

牛黃另研，一兩 冰片另研，一分 硃砂另研，二錢 大黃生，一兩

右爲細末，和勻。每服一二錢，冷薑湯或蜜水調下。

《宣明》三棱散三六 治積聚、癥瘕、疔瘕不散，堅滿痞悶，食不下。

三棱 白朮炒，各二兩 蓬朮 當歸各五錢 木香 檳榔各三錢

右爲末。每服三錢，沸湯調下。

三棱丸三七 治血癥血瘕，食積痰滯。

莪朮醋浸炒 三棱各三兩 青皮 麥芽炒 半夏各一兩

右共用好醋一鍾，煮乾焙爲末，醋糊丸，桐子大。每服四十丸，淡醋湯下。痰積，薑湯下。
三聖膏三八 貼積聚癰塊。

石灰十兩 官桂半兩，爲末 大黃一兩，綿紋者，爲末

右將石灰細篩過，炒紅，急用好醋熬成膏，入大黃、官桂末攪勻，以瓷器收貯，用泊紙或柿漆紙攤貼患處，火烘熨之。

《良方》桃仁煎三九 治血瘕。

桃仁 大黃炒，各一兩 虻蟲半兩，炒黑 朴硝一兩

右爲末，以醇醋一鍾，瓷器中煮三分，下前三味，不住手攪，煎至可丸，乃下朴硝，丸如桐子大。不吃晚食，五更初溫酒下五丸，日午下穢物，如未見，再服。仍以調氣血藥補之。○立齋曰：向在毗陵，一婦人小便不通，臍腹脹甚。予診之曰：此血瘕也。用前藥一服，腹痛，下瘀血水即愈。此藥猛烈大峻，氣血虛者，斟酌與之。

穿山甲散四〇 治癰痞瘀血，心腹作痛。

穿山甲炒焦 鱉甲醋炙 赤芍藥 大黃炒 乾漆炒煙盡 桂心各一兩 川芎 芫花醋炒
歸尾各半兩 麝香一錢

右爲末。每服一錢，酒調下。

（子和）禹功散四一 瀉水之劑。

黑丑頭末，四兩 茴香一兩，炒 或加木香一兩
右爲細末。以生薑自然汁調一二錢，臨臥服。

（子和）浚川散四二 治一切痰飲，十種水氣。

甘遂麪裹煨 芒硝各二錢 鬱李仁一錢 大黃 牽牛末各三錢
右爲末，滴水丸，桐子大。每服五十丸，溫水下。

稀涎散四三 吐頑痰。

牙皂炙，去皮弦，一錢 藜蘆五分

右爲細末。每服五分或一二錢，漿水調下。牙關不開者灌之。

大異香散四四 治積聚脹滿。

三棱 蓬朮 青皮 陳皮 枳殼炒 藿香 香附 半夏麪 桔梗 益智各一錢半 炙甘

草五分

右分二帖，水二鍾，薑三片，棗一枚，煎七分。食遠服。

《經驗》流金膏四五 治一切火痰咳逆等證。

白石膏微煨，研細 大黃錦紋者，捶碎，酒浸半日，蒸曬九次，各二兩 黃芩酒洗 橘紅各兩半 連
翹 川芎 桔梗 貝母各一兩 膽星 蘇州薄荷 香附各五錢

右爲極細末，煉蜜丸，彈子大。午後、臨臥細嚼一丸。忌酒麪諸濕熱物。○按此方當去川

芎、桔梗，效必更速。

（子和）通經散四六 治婦人氣逆血閉。

陳皮去白 當歸各一兩 甘遂以麪包勿令透水，煮百餘滾，取出用冷水浸過，去麪焙乾。一兩
右爲細末。每服三錢，溫湯調下，臨臥服。

《外臺》苦楝湯四七 治蛔蟲。

苦楝根東引不出土者，刮去皮土，取內白皮二兩，水三碗，煎一碗半，去粗，以晚米三合煮糜粥。空心先以炙肉一片嚼之，引蟲向上，次吃藥粥一二口，少頃又吃，漸漸加至一碗，其蟲下盡而愈。

《宣明》三花神佑丸四八 治一切沉積痰飲，變生諸病，或氣血壅滯，濕熱鬱結，走注疼痛，風痰脹滿等證。○（子和）神佑丸用黑丑一兩，無輕粉。

黑丑取頭落末，二兩 大黃一兩 芫花醋浸炒 大戟醋浸炒 甘遂麪裹煨，各五錢 輕粉一錢
右爲細末，滴水爲丸，小豆大。初服五丸，每服加五丸，溫水下，日三服，以快利爲度。欲速下者，宜八九十丸或百餘丸。○凡痞滿甚者，以痰涎壅盛，頓攻不開，則轉加痛悶，須漸進之，初服止三丸，每加二丸，至快利即止。

木香檳榔丸四九 殺下諸蟲。

檳榔一兩 木香 鶴虱 貫衆 錫灰 乾漆燒煙盡 吏君子各五錢 輕粉一錢 雷丸 巴

豆仁各二錢半

麪糊丸，麻子大。每服二十丸，五更粥飲下，或煎菖蒲石榴湯下。

《寶鑑》木香檳榔丸五〇 治一切氣滯，心腹痞滿，脅肋脹悶，大小便澀秘不通。

木香 檳榔 青皮去瓢 陳皮去白 枳殼麩炒 蓬朮煨切 黃連各一兩 黃檗去皮 香附

炒 大黃炒，各三兩 黑丑取頭落末，四兩

滴水爲丸，豌豆大。每服三五十丸，食遠薑湯送下，以微利爲度。

遇仙丹五一 追蟲逐積，消癖利痰，萬病可除。

黑丑頭末 檳榔各一斤 大黃半斤 三棱 莪朮醋炙，各四兩 木香二兩

右爲末，用大皂角去子打碎，煎濃湯去滓，煮麪糊爲丸，桐子大。每服四五十丸，以強弱爲加減，五更茶清下，如未通，再飲溫茶助之。下蟲積惡物盡了，白粥補之。

備急丸五二 治胃中停滯寒冷之物，心腹作痛如錐，及脹滿下氣，並卒暴百病，中惡客忤，口噤卒死皆治之。〇易老名獨行丸。〇《脾胃論》名備急大黃丸。

巴霜 大黃 乾薑俱爲末

右等分，和勻，煉蜜丸，石臼內杵千餘下如泥，丸如小豆大。夜臥時溫水下一丸，氣實者加一二丸，如卒病，不計時候服。如卒死口噤，即斡口折齒灌之。〇司空裴秀亦作散用，用其急也。〇孕婦忌用。

《和劑》神保丸五三 治心膈痛，腹痛，血痛，腎氣脅下痛，大便不通，氣噎，宿食不消。

木香 胡椒各二錢半 乾蝎七枚 巴豆十粒，去皮心研

右爲末，湯浸蒸餅丸，麻子大，硃砂三錢爲衣。每服五丸，用柿蒂湯，或薑、醋、茶、蜜、茴香、木香等湯，隨宜送下。

《寶藏》感應丸五四 治宿食積滯腹痛，胸膈痞悶，疼痛吐瀉。

南木香 肉豆蔻 丁香各兩半 乾薑炮，一兩 巴霜七十粒 百草霜二兩 杏仁一百四十粒，去皮尖，研

右先將前四味爲末，後入三味同研勻，外用好黃蠟六兩溶化，以絹濾淨，更好好酒一升，於銀、石器內煮蠟數沸，傾出，其蠟自浮，聽用。○凡春夏修合，先用香油一兩，銚內熬令香熟，次下酒蠟四兩，同化成汁，就銚內乘熱拌和前藥成劑，分作小錠，油紙裹放，旋丸服之。○若秋冬須用香油一兩五錢。每服三十丸，空心薑湯下。

大金花丸五五 治中外諸熱，淋秘溺血，嗽血，衄血，頭痛骨蒸，咳嗽肺痿。

黃連 黃芩 黃檗 梔子 大黃各等分

右爲細末，滴水丸，小豆大。每服三十丸，涼水、茶清任下。○本方去大黃，倍加梔子，名梔子金花丸。

《千金》大硝石丸五六 治痞積。

硝石六兩 大黃八兩，另研 人參 甘草各三兩

右爲細末，用好陳醋三升，以瓷器微火熬丸。每人醋一升，先入大黃，不住手攪使微沸，盡一刻又入一升，再熬微乾，又下一升，並下餘藥再熬，使可丸，如雞子黃大，每服一丸，白湯化下；或丸如桐子大，每服三五十丸。服後當下如雞肝，或如米泔赤黑色等物乃效。下後忌風冷，宜軟粥將息。

（東垣）枳實導滯丸五七 治傷濕熱之物，不得旋化而作痞滿，悶亂不安。

黃芩 茯苓 白朮 黃連各三錢 枳實熱炒 神麴各五錢，炒 澤瀉二錢 大黃煨，一兩

右爲末，湯浸蒸餅爲丸。食遠白湯下五十丸。

《秘方》化滯丸五八 理諸氣，化諸積。奪造化，有通塞之功；調陰陽，有補瀉之妙。久堅沉痼者，磨之自消；暴滯積留者，導之自去。○此與鄧山房感應丸略同，但彼方猶有沉香、檀香、砂仁、香附四味。

南木香 丁香 青皮 橘紅 黃連各二錢半 莪朮煨 三棱各五錢 半夏麴三錢

右八味，共爲細末。

巴豆去殼，滾湯泡去心膜，用好醋浸少頃，慢火熬至醋乾，用六錢研細，入前藥，又研勻，再入後烏梅膏。

巴豆若乾，止用梅四錢五分 烏梅肉焙乾爲末，用五錢，以米醋調略清，慢火熬成膏，和入前藥

右和勻，用白麴八錢調厚糊丸，蘿蔔子大。每服五七丸，壯人十丸，五更空心用陳皮湯下。